

ODRŽAN SASTANAK U OPĆINI RAVNO

12.02.2026 13:48



Dana 12. februara 2026. godine u prostorijama Općine Ravno održan je radni sastanak direktora Uprave, gosp. Željka Obradovića sa saradnicima, načelnika Općine Ravno, gosp. Andrije Šimunovića sa saradnicima, te direktora Kantonalne uprave za geodetske i imovinsko-pravne poslove HNK, gosp. Ivana Leske.

Na sastanku se razgovaralo o trenutnom stanju sektora zemljišne administracije na području Općine Ravno, kao i o planiranim budućim aktivnostima. Poseban naglasak stavljen je na usaglašavanje (harmonizaciju) podataka između katastra i zemljišne knjige. Također su razmatrani planovi za početak implementacije aktivnosti u okviru projekta GIVE.

Učesnici su razgovarali i o temama vezanim za Adresni registar i Registar cijena nekretnina, pri čemu je usaglašeno dodatno intenziviranje aktivnosti i pojačan angažman svih uključenih strana s ciljem unapređenja efikasnosti i ažurnosti podataka. Važno je istaći da je na teritoriju Općine Ravno planiran i nastavak projekta komasacije zemljišta, koji je u velikoj mjeri već realiziran.

Na kraju sastanka obje strane izrazile su zadovoljstvo dosadašnjom realizacijom projekata u okviru sektora zemljišne administracije na području Općine Ravno, kao i visokim nivoom saradnje između nadležnih uprava i Općine Ravno, uz očekivanje nastavka uspješne i konstruktivne saradnje u narednom periodu.